



## SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka («Službeni glasnik BiH» br. 95/12 i 41/16), člana 25. Pravilnika o godišnjim finansijskim izvještajima političkih stranaka («Službeni glasnik BiH» broj: 96/13 i 89/16) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH» broj: 103/08), izdajem

### IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2017. GODINU STRANKE PRAVDE I POVJERENJA

Broj: 03-07-6-473/18  
Sarajevo, 16.05.2019. godine

## SADRŽAJ

MIŠLJENJE REVIZORA .....	3
1. UVOD .....	4
2. PREDSTAVLJANJE POLITIČKE STRANKE .....	4
3. OPIS PREGLEDA I KONTROLE FINANSIJSKOG IZVJEŠTAJA .....	4
Predmet pregleda i kontrole .....	4
Cilj pregleda i kontrole.....	4
Obim pregleda i kontrole .....	5
4. PRETHODNE KONTROLE I REVIZIJE .....	5
5. NALAZI I PREPORUKE .....	5
5.1. NALAZI.....	5
5.2. PREPORUKE .....	6

## **MIŠLJENJE REVIZORA**

Služba za reviziju finansiranja političkih stranaka izvršila je pregled godišnjeg finansijskog izvještaja Stranke pravde i povjerenja za 2017. godinu.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka, te uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

**Pregledom finansijskog izvještaja za 2017. godine, utvrđeno je da je Stranka pravde i povjerenja prekršila odredbe člana 11. stav (1) i člana 12. stav (4) i (5) Zakona o finansiranju političkih stranaka.**

**Na osnovu našeg pregleda, odnosno kontrole finansijskog izvještaja, osim gornje napomene, nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka.**

## 1. UVOD

Služba za reviziju finansiranja političkih stranaka (u daljem tekstu: Služba za reviziju) je izvršila pregled godišnjeg finansijskog izvještaja Stranke pravde i povjerenja za 2017. godinu.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja, Stranka pravde i povjerenja nije ostvarila prihode, što je prikazano u narednoj tabeli:

R/B	Izvori finansiranja	Iznos (KM)	Struktura (%)
1.	Članarina	0,00	
2.	Prilozi fizičkih lica ( 3-a )	0,00	
3.	Prilozi pravnih lica ( 3-b )	0,00	
4.	Prihodi od imovine ( 3-c )	0,00	
5.	Prihodi od dobiti preduzeća u vlasništvu političke stranke ( 3-d )	0,00	
6.	Prihodi od poklona ( 3-e )	0,00	
7.	Prihodi iz budžeta ( 3-f )	0,00	
8.	Prihodi od propagande ( 3-g )	0,00	
<b>I</b>	<b>Ukupni prihodi (1-8)</b>	<b>0,00</b>	
<b>II</b>	<b>Ostali prihodi i drugo</b>	0,00	
	<b>Izvori finansiranja (I+II)</b>	<b>0,00</b>	

U godišnjem finansijskom izvještaju stranka nije iskazala rashode.

## 2. PREDSTAVLJANJE POLITIČKE STRANKE

Naziv političke stranke je Stranka pravde i povjerenja. Skraćeni naziv stranke je SPP.

Stranka je registrovana kod Kantonalnog suda u Sarajevu, rješenjem broj: 065-0-F1-13-000002 od 16.04.2013. godine.

Sjedište stranke je u Mostaru, ulica Bleiburških žrtava 31d.

Lica ovlaštena za zastupanje stranke su: Živko Budimir, predsjednik, Ragib Hadžić, zamjenik predsjednika i Mile Andrić, dopredsjednik.

Lice ovlašteno za podnošenje finansijskih izvještaja za 2017. godinu je Živko Budimir i Ragib Hadžić.

Prema podacima iz godišnjeg finansijskog izvještaja za 2017. godinu, Stranka pravde i povjerenja nema niže nivoe organizovanja.

## 3. OPIS PREGLEDA I KONTROLE FINANSIJSKOG IZVJEŠTAJA

**Predmet pregleda i kontrole** je godišnji finansijski izvještaj Stranke pravde i povjerenja za 2017. godinu.

**Cilj pregleda i kontrole** je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja

navedenog zakona, ocjenjuje da li je potrebno izvršiti terensku reviziju da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

**Obim pregleda i kontrole** finansijskog izvještaja Stranke pravde i povjerenja obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava.

#### **4. PRETHODNE KONTROLE I REVIZIJE**

Služba za reviziju je izvršila reviziju i kontrolu godišnjih finansijskih izvještaja Stranke pravde i povjerenja u periodu od 2014. do 2016. godine, nakon kojih su izdati izvještaji o reviziji sa mišljenjem revizora, nalazima i preporukama revizije.

Nakon izvršenog pregleda godišnjeg finansijskog izvještaja za 2016. godinu, izdat je izvještaj o pregledu sa mišljenjem revizora, nalazima i preporukama stranci da finansijske izvještaje dostavlja u zakonom propisanom roku, da finansijske izvještaje koje podnosi Centralnoj izbornoj komisiji Bosne popunjava u skladu sa odredbama Pravilnika o godišnjim finansijskim izvještajima političkih stranaka i da dostavlja dodatnu dokumentaciju koju od nje zatraži Centralna izborna komisija Bosne i Hercegovine.

#### **Nerealizovane preporuke:**

Na osnovu uočenih nedostataka u godišnjem finansijskom izvještaju za 2017. godinu, utvrđeno je da Stranka pravde i povjerenja nije ispoštovala date preporuke.

#### **5. NALAZI I PREPORUKE**

##### **5.1. NALAZI**

**Pregledom godišnjeg finansijskog izvještaja utvrđeno je da je Stranka pravde i povjerenja prekršila odredbe člana 11. stav (1)<sup>1</sup> i člana 12. stav (4)<sup>2</sup> i (5)<sup>3</sup> Zakona o finansiranju političkih stranaka.**

Stranka pravde i povjerenja nije vodila poslovne knjige tokom 2017. godine, nije izvještaj podnijela u zakonom propisanom roku, nije pravilno iskazala promet na transakcijskom računu i nije dostavila dodatnu dokumentaciju, čime je prekršila odredbe člana 11. stav (1), člana 12. stav (4) i (5) Zakona o finansiranju političkih stranaka.

(1) Pregledom godišnjeg finansijskog izvještaja i dodatne dokumentacije, utvrđeno je da stranka nije podnijela godišnji obračun (završni račun) za 2017. godinu nadležnoj instituciji, Finansijsko-informatičkoj agenciji<sup>4</sup> (FIA), čime je prekršila odredbe člana 11. stav (1) Zakona o finansiranju političkih stranaka.

(2) Stranka je na obrascu 2 (Pregled prometa svih transakcionih računa političke stranke) finansijskog izvještaja iskazala početno stanje u iznosu od 0,00 KM, promet ulaza u iznosu od 0,00 KM, promet izlaza u iznosu od 0,00 KM i saldo na dan 31.12.2017. godine u iznosu od 0,00 KM. Kontrolom izvoda sa transakcionog računa stranke, broj: 1610000108250071 kod Raiffeisen bank,

<sup>1</sup> Politička stranka dužna je voditi poslovne knjige i podnositi finansijske izvještaje na način koji je utvrđen zakonom i drugim propisima u skladu sa zakonom.

<sup>2</sup> Do 31.03. naredne godine politička stranka podnosi finansijski izvještaj u formi koju odobri Centralna izborna komisija BiH.

<sup>3</sup> Sva lica koja su dužna da podnesu izvještaj moraju da podnesu i dodatne izvještaje koje Centralna izborna komisija BiH zatraži.

<sup>4</sup> Stranka pravde i povjerenja je dana 15.10.2018. godine dostavila izjavu Centralnu izbornu komisiju BiH kojom potvrđuje da nije vodila poslovne knjige za 2017. godinu.

utvrđeno je sljedeće: početno stanje u iznosu od 4,69 KM, promet ulaza u iznosu od 4,69 KM, promet izlaza u iznosu od 9,38 i saldo na dan 13.09.2017. godine u iznosu od 0,00 KM. Obrazac 2 stranka nije popunila u skladu sa odredbama člana 11. Pravilnika o godišnjim finansijskim izvještajima političkih stranaka.

- (3) Stranka pravde i povjerenja je godišnji finansijski izvještaj za 2017. godinu, dostavila Centralnoj izbornoj komisiji BiH dana 21.05.2018. godine, tj. nakon zakonom propisanog roka.
- (4) Stranka u svom finansijskom izvještaju nije iskazala svoje obaveze. Međutim, pravno lice „Direct media“ d.o.o. Sarajevo<sup>5</sup> je Centralnoj izbornoj komisiji BiH dostavilo kopiju fakture broj: 912/2014 od 31.10.2014. godine, kojom je Stranci pravde i povjerenja fakturisan zakup reklamnog prostora za Opće izbore 2014. godine, u vrijednosti od 72.531,08 KM, za koju tvrdi da politička stranka nije platila. Takođe, pravno lice je dana 03.01.2019. godine, dostavilo i analitičku karticu potraživanja od Stranke pravde i povjerenja za 2014. i 2018. godinu u kojoj je iskazala svoje potraživanje od stranke u iznosu od 71.367,06 KM.
- (5) Centralna izborna komisija BiH je Stranci pravde i povjerenja uputila Zahtjev za dostavljanje dodatne dokumentacije za 2017. godinu, broj: 03-07-6-473-3/18 od 26.09.2018. godine kojim je od stranke traženo da dostavi: dokumentaciju o korištenju poslovnih prostora u 2017. godini (dokaze o vlasništvu nad nekretninama, ugovore o zakupu, odluke ili izjave) i potvrdu od „Raiffeisen“ bank o prometu na transakcijskom računu i stanje na dan 31.12.2017. godine.

S obzirom da Stranka pravde i povjerenja nije postupila u skladu sa zahtjevom Centralne izborne komisije BiH, odnosno nije dostavila potvrdu od „Raiffeisen“ bank o prometu na transakcijskom računu i stanju na dan 31.12.2017. godine, prekršila je odredbe člana 12. stav (5) Zakona o finansiranju političkih stranaka.

## 5.2. PREPORUKE

***Preporučuje se Stranci pravde i povjerenja da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:***

- ***da vodi poslovne knjige i da podnosi finansijske izvještaje na način koji je utvrđen Zakonom o računovodstvu i reviziji Federacije BiH,***
- ***da uspostavi evidenciju o svojim obavezama,***
- ***da finansijske izvještaje koje podnosi Centralnoj izbornoj komisiji Bosne popunjava u skladu sa odredbama Pravilnika o godišnjim finansijskim izvještajima političkih stranaka,***
- ***da finansijske izvještaje dostavlja u zakonom propisanom roku i***
- ***da dostavlja dodatnu dokumentaciju koju od nje zatraži Centralna izborna komisija BiH.***

## KOMENTAR

Stranka pravde i povjerenja nije se očitovala na nalaze revizije i mišljenje revizora dato u Preliminarnom izvještaju o pregledu godišnjeg finansijskog izvještaja za 2017. godinu.

Pomoćnik revizora

Mr.sc. Goran Cicović

Šef Službe za reviziju

Mr. sc. Hasida Gušić

<sup>5</sup> Na osnovu Rješenja od Općinskog suda u Sarajevu, broj: 065-0-Reg-18-005342 od 12.11.2018. godine pravno lice je promijenilo naziv u „Ascanius media“ d.o.o. Sarajevo.

